


5

Yesu a Taruxune

Doxode 5

Taruxuni ito kelixi

Ningila kui



Yesu So Fena


Yerusalen Taani

Matiyu 21.1-17; 26.6-16

Maraka 11.1-10, 15-19; 14.3-11

Luka 19.28-40, 45-48; 22.3-6

Yoni 12.12-19



© GRN



© Bible Visuals International


E to maso Yerusalen taan na. Yesu yi
a xarandii firin nasiga e yee ra.

A yi a jngu e ma, a naxa, “Ε siga banxideen na ε yεε ra. Ε na na li tun, ε sofalidina nde toma nεn xidixi, muxe munma dɔxɔ naxan fari singen. Ε a fulun, ε fa a ra be.

Xa muxuna nde ε maxɔdin fa fala, ‘Ε na ligama nanfera?’ Ε a fala a xa, ε naxa, ‘Margin makona a ma,’ na kanna a soma ε yii nεn mafuren.”

Nanara, xarandine yi siga, e sa sofalidin to xidixi kiraan de banxina nde de ra.

E yi a fulunma waxatin naxan yi, muxun naxanye yi tixi na yi, na ndee yi e maxɔdin, e naxa, “Ε sofalidini ito fulunma nanfera?” Xarandine yi e yabi alo Yesu a fala e xa kii naxan yi, muxun yi tin e xa siga.



Xarandine yi fa sofalidin na Yesu fəma,
e yi e domane yifulun sofalidin fari, Yesu
yi dəxə a fari.

Muxu wuyaxi yi e domane yifulun kiraan
xɔn ma, bonne yi ɲɔxɔndene magira,
e yi e sa kiraan xɔn ma a binya feen na.

Naxanye yi sigama a yee ra e nun naxanye
yi biraxi a fɔxɔ ra, ne yi lu sɔnxɔε, e naxa,
“Ala tantun! Naxan fama Marigin xinli,
Ala xa na baraka! En benba Dawudaa
mangayaan naxan fama, Ala xa na baraka!
Ala tantun kore xɔnna ma pon!”




E Yerusalen li waxatin naxan yi, Yesu yi
siga Ala Batu Banxini.

Naxanye yi sare matiin nun sare soni
menni, a ne kedi fɔlɔ.

A yi gbeti masarane tabanle rafelen, e nun ganba matine gbédéne. A mi yi tinma muxu yo xa goronna radangu Ala Batu Banxin tandem ma.

Yesu yi yamaan xaran, a naxa, “A səbəxi Kitabun kui, Ala naxa, ‘N ma Banxin xili bama nən, Ala maxandi banxina siyane birin xa.’ Koni ε tan bata a findi munadene luxunden na!”

(Ito səbəxi Esayi 56.7 nun Yeremi 7.11 kui)



Danxutone nun lebutenne yi siga Yesu
fema Ala Batu Banxini, a yi e rakendeya.

Diidine fan yi sɔnxɔma Ala Batu Banxini,
e naxa, “Tantunna xa fi Dawudaa Dii
Xemex ma.”

Dinan yεεratine to
a to, e yi xɔlɔ.

E yi a fala Yesu xa,
e naxa, “I mi
diidine falan
mεen ba?”



© GRN

Yesu yi e yabi, a naxa, “Di! Ε mi Kitabun
yireni ito xaranxi ba, naxan a falaxi,
‘I bata diidine nun dii γορενε yamari,
e yi i matɔxɔ?’” (ito sεbεxi Yaburin 8.3)

Dinan Kuntigine na mε waxatin naxan yi,
e yi Yesu faxa fεren fen fɔlɔ. E yi gaxuxi
a yεε ra nun, amasɔtɔ yamaan birin bata yi
kabe Yesu a xaranna ma.



© GRN

Yesu yi Simōn banxini Betani taani
waxatin naxan yi, a yi a degema, naxanla
nde yi fa, a so banxini. A fa latikōonna
sare xodexen na a sase gēmē ramaan kui,
gemen naxan xili “alabasita.”

A yi a sa Yesu xunna ra a binya feen na,
a yi a degema waxatin naxan yi.

Yesu a xarandiine to na to, e yi xɔlɔ,
e naxa, “Ito yikalaxi nanfera? A yi sare nɛn
dangu walikeen ɲee keden saranna ra,
na gbetin yi so yiigelitɔne yii.”
E yi ɲaxanla mafala kati!

Koni Yesu yi a fala, a naxa, “ɛ fata a ma,
ɛ a mafalama nanfera? A bata fe fanin
naba n tan xa. A nɔɛ naxan ligɛ, a bata na
liga. A bata latikɔnɔnna sa n fatin ma,
a yi a yitɔn n maluxun lɔxɔna fe ra benun
na waxatin xa a li.

N xa ɲɔndin fala ɛ xa, n ma falan Kibaru
Fanini ito na rali dunuja yire yo yi, ɲaxanli
ito naxan ligaxi, na fan falama nɛn,
yamaan yi e miri a ma.”



© GRN

Na xanbi ra, Yudasi Isakariyoti yi siga dinan yεεratine fεma. Yesu a xarandii fu nun firinna nde nan yi Yudasi ra.

Na Yudasi yi siga yεεratine fεma, a naxa,
“Xa n Yesu so ε yii, ε nanse soma n yii?”

Ne yi gbeti gbanan tongue saxan so a yii.

Fɔlɔ na waxatin ma, Yudasi yi fεrεn fen fɔlɔ,
a xa Yesu yanfa, a a so e yii.

Marigina Ximenna Fe

Matiyu 26.17-30

Maraka 14.12-26

Luka 22.7-23

Yoni 13.1-30



© GRN



Buru Tetaren Sanla yi a li, yexee diin faxa
waxatin yi a li Halagi Tiin Dangu Loxon
Sanla fe ra.

(I a kolon, Musaa waxatini, Ala fitina feen
nafa nən Firawona yamaan ma, malekan yi
fa e dii singene birin faxa koe kedenna ra.

Koni, Isirayila kaane yi saraxa wunla xuya
e banxine de wudine ma, saya malekan yi
dangu e xun ma.

Na feen sanla ni ito ra.

A mato Xoroyaan 12.1-13 kui.)

Yesu yi Piyeri nun Yoni xε, a yi a jungu
e ma, a naxa, “E sa Halagi Tiin Dangu Lɔxɔn
Sanla ximenna rafala en xa.”

E yi a maxɔdin, e naxa, “I waxi a xɔn ma,
nxu xa a rafala minen yi?”

A yi e yabi, a naxa,
“E siga taani, ε xemena nde
toma nən ige fεjən dɔxi a
xun ma.



© GRN

Ε bira a fɔxɔ ra han a na so banxin naxan kui. Ε yi a fala na banxin kanna xa, ε naxa, ‘Karamɔxɔ naxa, a xɔŋe yigiyaden minen yi, a tan nun a xarandiine Halagi Tiin Dangu Lɔxɔn Sanla donseen donma dənaxan yi?’

A banxin yire gbeena nde yitama ε ra nen kore banxin kɔε ra, naxan kui yitɔnxi ki fani. Ε donseene rafalama mənna nin.”

E sa seen birin li na yi alo Yesu a fala e xa kii naxan yi. E Halagi Tiin Dangu Lɔxɔn Sanla ximənna rafala mənni.



© GRN

Ninbanna to so, Yesu nun a xarandii
fu nun firinne yi dɔxɔ e degedeni.

E yi e dəgema waxatin naxan yi,
Yesu naxa, “N xa ḡondin fala ε xa, ε tan
nde keden n yanfama nən, a yi n so yiini.”

Xarandiine yi sunu han, e yi a maxɔdin fɔlɔ
keden keden yεen ma, e naxa, “Marigina,
n tan nan na ra ba?” Yesu yi e yabi,
a naxa, “Nxu nun naxan nxu yiin nagodoxi
lenge kedenna kui, na nan n soma yiini.”

Yudasi naxan a soma yiini, na yi falan
tongo, a naxa, “Karamɔxɔ, n tan nan
na ra ba?” Yesu yi a yabi, a naxa, “I bata
a fala.”



© GRN

E yi e d^əgema waxatin naxan yi, Yesu yi burun tongo, a barikan bira Ala xa, a yi a yigira, a yi a so a xarandiine yii.

A yi a fala, a naxa, “E a tongo, ε yi a don, n fati b^ənden nan ito ra.”



Na xanbi ra, a yi igelengenna tongo,
a barikan bira Ala xa, a yi a so e yii.

A yi a fala e xa, a naxa, “E birin xa a min
amasoto n wunla ni ito ra n layirin xidima
en tagi naxan xon, a minima muxu wuyaxi
xa nən e yulubin mafeluun na.”




© GRN

Na waxatini, Yesu yi a kolon fa fala
a fataxi Ala nan na, a mɔn sigama Ala
nan ma. Nanara, e to yi e degema, a yi
keli, a yi a doma gbeen ba a ma, a dugin
xidi a tagi.

Na xanbi ra, a yi igen sa ige sa seen kui,
a yi fɔlɔ a xarandiine sanne maxe.

Dugin naxan yi xidixi a tagi, a yi e sanne
masugusugu na ra.



© GRN

Yesu yelin e sanne maxe waxatin naxa yi,
a yi a doma gbeen nagodo a ma, a mɔn yi
sa dɔxɔ a funfuni.

A yi e maxdin, a naxa, “N naxan ligaxi
ito ra, ε na famunxi ba? Ε n tan xilima fa
fala ‘Karamcxo’ e nun ‘Marigma.’ Na falan
lanxi amascto na nan n tan na.

Xa n tan ε Marigma nun ε karamcxon bata
ε sanne maxa, ε tan fan xa ε bode sanne
maxa. N misaala yitaxi ε ra nən, alogo ε xa
a liga alo n na a ligaxi kii naxan yi.”



© GRN

Yudasi donseen nasuxina, Setana yi so
a yi sa! Yesu yi a fala a xa, a naxa,
“I naxan ligama, na liga mafuren.”

Yesu naxan fala a xa, bona naxanye yi
dɔxi e dəgedeni, ne sese mi yi na
famunxi. Bayo Yudasi nan yi e gbetin
marama, ndee yengi yi lu a ma, a Yesu
bata a fala a xa, a xa sa sena ndee sara
sanla fe ra. Hanma a xa sa sena nde so
yiigelitɔne yii.

Yudasi yi na donseen nasuxu, a mini
na sa! Kɔεen nan yi a ra.

Publié par la Mission Protestante MCA

République de la Guinée

Janvier 2025

Les images sont de © Global Recordings (GNR)

Et de

© Bible Visuals International

Avec permission

Kisin Kiraan Kitabuna Text

© Traducteurs Pionniers de la Bible